



PARTII INUIT INATSISARTUNI

Partii Inuit
Randi Broberg

UPA2014/155-1
30/04/2014

Kalaallit Nunatsinni efterskolimik allisitamik, Tasiilami inissineqartussamik, 2015-imi pilersitsinissaq pillugu Naalakkersuisut siunnersuuusiornissamik peqquneqarnissaannik Inatsisartut aalajangiiffisassaattut siunnersuut.

(Inatsisartunut ilaasortaq Harald Bianco, Inuit Ataqtigiit)

Partii Inuit siunnersuuteqartup tunngavilersuutigisai tunngaviatigut tapersersornartikkatsigit oqaatigissavarput, taamaattorli Partii Inuit pingaartitaannut naapertuunnerusumik, Efterskoliliornissamik isuma ilusilersorneqartariaqartoq isumaqarfigaarput.

Partii Inuit ilisarnaatigaarput inuiaat nunatsinni ileqquvut, oqaatsivut, pisuussutivut, sulisussatullu ilinniarsimasuutigut nunaqavissut atorlugit nunatsinnik ineriartortitsinissamik pingaartitsinerput, tamannaassasorlu nunatta namminiilivinnissaani tunngavissatut ilusilersueqataasussaq.

Partii Inuit ilisimaaraarput inuusuttut meeqqat atuarfianniit atuarunnaartartut ilinniagaqalinnginnerminni, siunnerfissaminnik aalajangertinnatik, inerisaaffiusumik, inuunermillu akisussaaffiginnilernissamut alloriarfiusumik, nunatsinni amigaateqarnerput, siunnersuuteqartulli kulturhøjskolimik, inunnik isumaginnittunngorniarnut ilinniarfiutigisinnaasumik pilersitsiniarnera, efterskoliliornissamut sukut imminnut attuumassusiliiniarnera paattuunganartillugu.

Taamaattorli siunnersuuteqartup, efterskoliliorniarnermik isuma ersarissaaffigisinnaappagu, isummersoqataanissamut ammavugut.

